



Isalathiso: 20210922-6134
Inombolo yefayili: 13/25/2
Imibuzo: C Klopper

INGcaciso eMfutshane yeCandelo loLawulo loVavanyo: 0018/2021

Iya: KumaSekela Balawuli-Jikelele, kuBalawuli abaziiNtloko, kuBalawuli, kwiiNgcali zeMfundo eziziiNtloko, kwiiNtloko zokuNika iNkxaso kwiKharityhulam, kuBaphathi beeSekethe, kwiiNtloko zoLawulo noKuphathwa kwamaZiko, kumaSekela eeNgcali zeMfundo eziziiNtloko, kuBaqquzeleli boVavanyo neeMviwo, kuBacebisi ngeZifundo nakwiiNtloko zawo onke amaziko emfundo alungiselela abaviwa iimviwo zeSatifikethi seMatriki sikaZwelonke

Isihloko: Ukuthatha inxaxheba ekusayineni imvumelwano yokuzibophelela nesithembiso sokuthobela imigaqo enxulumene nokubhalwa kweemviwo zeSatifikethi seMatriki sikaZwelonke ngo-2021

1. Iimviwo zeSatifikethi seMatriki sikaZwelonke (NSC) zilawulwa yaye ziqhutywa ngokwemimiselo eyi-Regulations pertaining to the conduct, administration and management of the National Senior Certificate examination (efakelwe izilungiso), eyapapashwa kwiGazethi kaRhulumente No. 31337 nge-29 Agasti 2008, esebenza kumabhunga ovavanyo karhulumente nazimeleyo avavanya nangabevi beNkcazelo yeKharityhulam kaZwelonke, kumaBakala R-12.
2. Nasiphi na isenzo sokutenxa okanye ukwaphulwa kwale mimiselo ngumviwo ongenela iimviwo zeNSC singakhokelela ekubeni iziphumo zabo zoviwo zaziswe njengezililize nento engekho (null and void). Kunyanzelekile ke ngoko ukuba bonke abaviwa bayazi le migaqo nemimiselo.
3. ISebe leMfundo esiSiseko lacela ukuba abaviwa ababhalisele iimviwo ze-NSC mabasayine **imvumelwano yokuzibophelela nesithembiso** sokuthotyelwa komgaqo wokuziphatha woviwo.

4. IMvumelwano yokuZibophelela (*Commitment Agreement*) ichaza uluhlu olucacisiweyo lwemigaqo nemimiselo engundoqo enxulumene neemviwo ze-NSC, kwakunye noluhlu lwezitenxo ezinokwenzeka ngethuba lobhalwa kweemviwo.
5. Kucelwa bonke abafundi nabazali okanye abagadi babafundi ukuba basayine iMvumelwano yokuZibophelela (**isiHlomelo A**) phambi kokuba kuqale iimviwo.
6. IiMvumelwano zokuZibophelela ezisayiniweyo mazigcinwe esikolweni njengenxalenye yeerekhodi zesikolo zomviwa ngamnye.
7. Izikolo zimele ukuzenzela ikopi yeSithembiso sokuZibophelela soViwo lweNSC (**isiHlomelo B**) esinokusayinwa ngumviwa ngamnye weBakala 12.
8. Ngomhla we-22 Oktobha 2021 makubanjwe indibano (*assembly*) yabo bonke abafundi beBakala 12 njengenxalenye yokubanika ulwazi kwanokulungiselela ukubhalwa kweemviwo zeNSC.
9. Izikolo mazazise abaviwa ukuba ukusayinwa kwesithembiso sokuzibophelela kwenziwa ngokuzithandela (*voluntary*) yaye abaviwa abasayi kunyanzeliswa ukuba mabasisayine isithembiso sokuzibophelela.
10. Kwintetho yenqununu, imigaqo yeemviwo ebhalwe ngasemva kwincwadi yokwamkelwa umfundi kuviwo (*admission letter*) mayifundelwe abaviwa.
11. Abaviwa mabacelwe ukuba basifunde ngokuvakalayo isithembiso sokuzibophelela baze emva koko bavunyelwe ukuba basisayine.
12. Apho kunako, makwenziwe iifotokopi zezithembiso zokuzibophelela ezisayiniweyo eziya kugcinwa esikolweni njengenxalenye yeerekhodi zesikolo zomviwa ngamnye.
13. Isithembiso sokuzibophelela esiyintsusa (*original pledge*) masiphathwe ngumviwa ngamnye ngethuba leemviwo zeNSC ngo-2021.
14. Kucetyiswa ukuba ukusayinwa kwesithembiso sokuzibophelela makunatyiselwe nakubafundi beBakala 10 nabeBakala 11 ukuqinisekisa umgangatho ofanayo wokuqhutywa kweemviwo kwiSigaba se-*Further Education and Training (FET) Phase*).
15. Isithembiso sokuZibophelela soViwo lweNSC esiqhotyoshelweyo apha sinokulungelelaniswa ukwenzela amaBakala 10 no-11.
16. Inguqulelo yekhompuyutha (*electronic version*) yephamflethi yabafundi enika inkcazo ngokuthintelwa kwezitenxo neziphumo zezitenxo ezenzekileyo, iqhotyoshelwe apha njengesihlomelo C yaye inokuhanjiswa kumfundi ngamnye. Iikopi eziprintiweyo zephamflethi ziya kusiwa kuzo zonke izikolo.

17. Kucelwa iinqununu ziqinisekise ukuqhutywa ngokufanelekileyo komsitho wosayino-sithembiso kwizikolo zazo.
18. Iya kuthakazelelwa kakhulu intsebenziswano yabaviwa beemviwo zeNSC ngo-2021 malunga nalo mba.

ISAYINWE: NGU-H MAHOMED

USEKELA MLAWULI-JIKELELE WOLAWULO LWEKHARITYHULAM NOVAVANYO

UMHLA: 2021-10-04